



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

19 MAC 2022 (SABTU)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

19 MAC 2022 (SABTU)

2,000 penguat kuasa pantau bazar Ramadan, Aidilfitri

Pihak KPDNHEP pastikan pengguna tak jadi mangsa kenaikan harga

Gieh Zatul Iffah Zulkiply
zatuliffah@hmetro.com.my

Kuala Nerus: Kementerian Perdagangan Dalam Negeri dan Hal Pengguna (KPDNHEP) akan menggerakkan lebih 2,000 penguat kuasa bagi memantau bazar Ramadan dan Aidilfitri di seluruh negara secara agresif.

Timbalan Menteri Perdagangan Dalam Negeri dan Hal Pengguna, Datuk Rosol Wahid, berkata, selain dua lokasi berkenaan, pemantauan dan pemeriksaan turut dilaksanakan di pasar awam, pasar basah, pasar raya besar, pasar mini dan kedai runcit.

Beliau berkata, ia bagi memastikan pengguna tidak menjadi mangsa kenaikan harga pihak yang tidak bertanggungjawab.

Katanya, selain memantau harga bagi mengelak unsur pencatutan, operasi juga dilakukan bagi memastikan keberadaan barangan keperluan asas.

"Ada yang meramalkan bahawa harga akan naik puasa ini,



Rosol (dua dari kanan) bersama Pengarah KPDNHEP Terengganu, Saharuddin Mohd Kia meninjau harga barangan runcit pada Program Penyeragaman Harga Zon di Kampung Baru Pulau Redang. (Foto Ghazali Kori/BH)

jadi kita berharap peniaga dan pengusaha supaya jangan terbit dengan mencatut atau mengambil keuntungan berlebihan dan menganiaya pengguna.

"Kita pantau secara menyeluruh harga barangan ini terutama yang berasaskan telur dan ayam bagi memastikan tiada un-

sur pencatutan," katanya ketika ditemui selepas Program Penyeragaman Harga (PPH) di Kampung Baru, Pulau Redang, di sini, semalam.

Rosol berkata, kerjasama peniaga dan orang ramai diperlukan supaya barangan asas sentiasa dijual dengan harga

yang berpatutan.

Beliau meminta orang ramai untuk membuat aduan kepada KPDNHEP jika mendapati barangan keperluan dijual pada harga tidak munasabah atau ada sebarang salah laku peniaga.

Sementara itu, beliau berkata, kerajaan memperuntukkan

RM200 juta tahun ini, bagi menjayakan PPH demi memastikan penduduk luar bandar terutama pedalaman dan pulau, menikmati harga barangan keperluan pada kadar sama.

Katanya, sehingga kini, PPH yang dilaksanakan sejak 2009 memberi manfaat kepada lebih 1.2 juta penduduk meliputi 798 kawasan luar bandar, melibatkan enam negeri, merangkumi Sabah, Sarawak, Kedah, Kelantan, Terengganu dan Pahang.

Rosol berkata, program itu membantu masyarakat luar bandar menikmati tujuh barangan keperluan asas iaitu beras putih, gula putih bertapis kasar, tepung gandum, minyak masak tulen, gas petroleum cecair (LPG), petrol RON 95 dan diesel, mengikut ketetapan harga kerajaan seperti di bandar.

"Penduduk di pedalaman dan luar bandar terpaksa membayar pada harga yang lebih tinggi bagi mendapatkan barangan keperluan disebabkan faktor kos pengangkutan berikutan jarak dan perjalanan ke kawasan mereka, malah ada sesetengah kawasan perlu menggunakan bot yang sudah tentu membabitkan kos lebih tinggi," katanya.

"Menerusi program ini, kerajaan menanggung kos pengangkutan daripada pembekal ke kawasan pedalaman terpilih," katanya.



ROSOL (dua dari kanan) mengisi minyak petrol RON95 pada motosikal seorang penduduk di Kampung Baru Pulau Redang, Kuala Nerus semalam.

Harga makanan sepanjang Ramadan dipantau

KUALA NERUS — Kementerian Perdagangan Dalam Negeri dan Hal Ehwal Pengguna (KPDNHEP) akan memantau harga makanan terutama berasaskan ayam dan telur ayam sepanjang Ramadan.

Timbalan Menteri, Datuk Rosol Wahid berkata, pemantauan akan dilakukan di semua premis perniagaan termasuk bazar Ramadan di seluruh negara sepanjang bulan tersebut.

Menurutnya, ia bertujuan memastikan harga barangan terutama berasaskan ayam dan telur ayam tidak melambung tinggi.

"Ramai meramalkan harga

makanan berasaskan ayam akan naik pada Ramadan ini atas faktor kos bahan mentah, logistik dan tukaran wang asing.

"Apa pun saya mengingatkan golongan peniaga agar tidak terlibat dalam sebarang aktiviti pencatutan," katanya selepas memantau pelaksanaan program Penyeragaman Harga di Pulau Redang, di sini semalam.

Rosol berkata, tindakan tegas akan diambil sekiranya sebarang aktiviti pencatutan dikesan.

"Saya menasihatkan pengguna melaporkan sebarang kenaikan harga tidak munasabah

termasuk di bazar Ramadan bagi membolehkan KPDNHEP mengambil tindakan penguatkuasaan," katanya.

Sementara itu, katanya, KPDNHEP akan mengembalikan semula program penyeragaman harga bagi menyelesaikan masalah kenaikan kos sara diri lebih 2,000 penduduk Pulau Redang, di sini sejak dua tahun lalu.

"Program penyeragaman harga ini melibatkan harga barang kawalan seperti petrol RON95, diesel, gas petroleum cecair (LPG), tepung gandum, gula, beras, gula dan minyak masak," katanya.

 Senarai Harga Barang Keperluan	• Ayam	RM7.99	• Telur Gred A	RM12.45	• Gula Pasir	RM2.85	• Cili Merah	RM13.99
	• Daging Lembu Tempatan	RM45.00	• Ikan Kembung	RM16.99	• Bawang Besar Holland	RM2.60	• Kubis Bulat Tempatan	RM3.50
	• Daging Lembu Import	RM28.00	• Minyak Masak	RM6.35	• Bawang Putih	RM5.50	• Tepung Gandum	RM2.25

**Harga (RM/kg) Sumber: KPDN/HEP*